



Projekat finansira  
Evropska unija



LOKALNA PARTNERSTVA  
ZA ZAPOSŁJAVANJE  
U BOSNI I HERCEGOVINI



International  
Labour  
Organization

Gradonačelnik Grada Bosanska Krupa, putem Službe za upravljanje razvojem na osnovu člana 27. Zakona o lokalnoj samoupravi Unsko sanskog kantona ("Službeni glasnik USK", broj: 8/11), člana 114. Odluke o izvršavanju Budžeta Grada Bosanska Krupa za 2023. godinu („Službeni glasnik Grada Bosanska Krupa“ broj: 13/22) i Ugovora broj No.: 40371616/0 o implementaciji projekta „Aktivacija i integracija nezaposlenih osoba na tržištu rada u Unsko sanskom kantonu“, raspisuje:

## JAVNI POZIV

### ZA UČEŠĆE U PROGRAMU SAVJETODAVNE I FINANSIJSKE PODRŠKE RAZVOJU BIZNISA

Grad Bosanska Krupa poziva sve zainteresirane nezaposlene osobe koje žele pokrenuti vlastiti posao da se prijave za učešće u programu podrške razvoju malih biznisa. Program podrške realizuju partneri u okviru projekta „Aktivacija i integracija nezaposlenih osoba na tržištu rada u Unsko sanskom kantonu“ koji se provodi u okviru projekta „Podrška Evropske unije lokalnim partnerstvima za zapošljavanje – Faza II“ koji finansira Evropska unija a realizuje Međunarodna organizacija rada.

**Javni poziv** je usmjeren prema nezaposlenim osobama sa područja Grada Bosanska Krupa koje žele pokrenuti vlastiti biznis uz finansijsku i savjetodavnu podršku navedenog partnerstva.

**Pravo na učešće** u programu podrške razvoja poslovnih ideja i biznisa, imaju punoljetne osobe koje žele registrirati posao na području Grad Bosanska Krupa. Prednost za sudjelovanje u procesu pružanja podrške razvoju poslovne ideje i biznisa, imati će:

- nezaposleni i neaktivni mladi muškarci i žene (18-29),
- nezaposlene žene,
- nezaposlene osobe preko 50 godina starosti
- osobe sa invaliditetom

Kandidati trebaju imati:

- Visok nivo motivacije za pokretanje samostalnog biznisa,
- Određena vlastita sredstava za poslovanje,
- Minimalno završen III stepen obrazovanja,
- Sposobnost analitičkog razmišljanja za definisanje jasne poslovne ideje.
- Da su nezaposleni i žele pokrenuti vlastiti biznis,
- Da registruju osnovnu djelatnost na području Grad Bosanska Krupa (ukoliko odlukom komisije njihova ideja bude odabrana za finansiranje)

Osobe zainteresirane za razvoj poslovne ideje i pokretanje vlastitog biznisa, svoje prijave za sudjelovanje u programu mogu dostaviti isključivo na namjenski pripremljenom obrascu.

**Program podrške** biće realiziran etapno. Za 8 kandidata čija prijava bude prihvaćena od strane partnerstva, odnosno Komisije za procjenu poslovnih ideja i planova, dobiti će priliku sa sudjelovanju u programu „Pokreni svoj posao“, u okviru kojeg će steći znanja neophodna za razradu poslovne ideje i kompletiranje poslovnog plana. Obuka će trajati tri dana a troškovi sudjelovanja biće osigurani od strane organizatora.





Projekat finansira  
Evropska unija



LOKALNA PARTNERSTVA  
ZA ZAPOSŁJAVANJE  
U BOSNI I HERCEGOVINI



International  
Labour  
Organization

Komisija za procjenu poslovnih ideja i planova će odabrati ukupno 2 poslovna plana, čiji nositelji će dobiti finansijsku i savjetodavnu podršku za osnivanje i razvoj biznisa, te će biti u obavezi sudjelovanja u trodnevnoj obuci „Unaprijedi svoj posao“.

**Finansijska podrška** za pojedinačni poslovni poduhvat može biti maksimalno do 9.779,15 KM, u zavisnosti od složenosti poslovne ideje. Sredstva se mogu iskoristiti za:

- sufinansiranje nabavke opreme, osnovnih sredstava za rad i potrošnog materijala,
- subvencioniranje troškova registracije djelatnosti, jednokratno,
- subvencioniranje dijela bruto plaće za maksimalno 2 novouposlena po prijavi, u trajanju od 6 mjeseci.

Sredstva su nepovratna uz uslov da se u cjelosti koriste za razvoj registriranog biznisa.

Savjetodavna podrška će u prvoj fazi biti omogućena za maksimalno 8 (osam) kandidata, koji su na bazi vlastitih poslovnih ideja, odabrani sa sudjelovanju u programu podrške. Tokom trodnevne obuke „Kako doći do poslovne ideje“ i „Kako pokrenuti posao“, kandidati će imati priliku da usvoje nova znanja za razvoj poslovne ideje i objedinjavanje poslovnog plana

- Plan poslovanja
- Konsolidovanje poslovne ideje
- Marketing plan
- Zapošljavanje
- Organizacija i upravljanje
- Nabavka
- Utvrđivanje troškova proizvoda i usluga
- Finansijsko planiranje
- Početni kapital
- Dorada poslovnog plana

**Drugi nivo** savjetodavne podrške biće omogućen za min 2 (dva) kandidata, autora najbolje ocjenjenih poslovnih planova. Ovaj paket podrške podrazumijeva kontinuiranu saradnju sa kandidatima i savjete prilikom registracije i daljeg razvoja biznisa. Vlasnici novoregistriranih firmi/obrta će biti u obavezi sudjelovanja u trodnevnoj obuci „Unaprijedi svoj posao“ koja obuhvata sljedeće module:

- Troškovi
- Marketing
- Planiranje poslovanja
- Nabavka i kontrola zaliha
- Knjigovodstvo
- Ljudi i produktivnost

Ovako kreirana podrška osigurava dugoročan razvoj najboljih poslovnih planova i smanjuje rizik od stagnacije u poslovanju, odnosno potencijalnog zatvaranja firme/obrta. Finansijsku i savjetodavnu podršku pružaju članovi partnerstva, odnosno treneri za sprovedbu MOR-ovih paketa „Pokreni svoj posao“ i „Unaprijedi svoj posao“.

**Uslov za dobijanje podrške pri pokretanju i vođenju posla je redovno prisustvo i aktivno učešće na obukama.**





Projekat finansira  
Evropska unija



LOKALNA PARTNERSTVA  
ZA ZAPOSŁJAVANJE  
U BOSNI I HERCEGOVINI



International  
Labour  
Organization

Svi kandidati će tokom obuke biti detaljno informisani o kriterijima za ocjenu kvaliteta poslovnog plana.

Prijavni obrazac će biti dostupan na stranici Grada Bosanska Krupa <https://gradbosanskakrupa.ba>.

Obrazac se treba popuniti u cijelosti i sa priloženom dokumentacijom dostaviti u zatvorenoj koverti u Centar za pružanje usluga građana Gradskog organa uprave ili putem pošte na adresu: **Grad Bosanska Krupa; Terzića bb; 77240 Bosanska Krupa sa naznakom: "Ne otvarati - Prijava na Javni poziv za učešće u programu savjetodavne i finansijske podrške razvoju biznisa"** do roka naznačenog u pozivu, kako bi se omogućila potpuna procjena od strane imenovane Komisije.

**Rok za podnošenje prijava je 15 (petnaest) dana od dana objave javnog poziva.**

Uz prijavni obrazac potrebno je priložiti sljedeću dokumentaciju (original ili ovjerena kopija):

- Kopija lične karte,
- Uvjerenje o invaliditetu (ako je primjenljivo),
- Uvjerenje sa evidencije JU Služba za zapošljavanje USK,
- Uvjerenje/diploma o završenom minimalno III stepenu obrazovanju (kopija),
- Certifikat o neformalnom obrazovanju (ako je primjenljivo),
- Dokaz o radnom iskustvu: Radna knjižica (skenirana stranica sa imenom i prezimenom i stranica sa radnim iskustvom, ako postoji), odnosno Uvjerenje Poreske uprave o osiguranju,
- Biografija (max. 1 stranica),
- Ovjerena Izjava o spremnosti ulaganja vlastitih sredstava (Prilog: Izjava\_LPZ USK).

Nepotpune i neblagovremene prijave neće biti uzete u razmatranje.

Za dodatne informacije možete kontaktirati Služba za upravljanje razvojem na e-mail: [esmah@gradbosanskakrupa.ba](mailto:esmah@gradbosanskakrupa.ba) ili na telefon broj: 037/961-466.

Grad Bosanska Krupa, dana 10.3.2023.godine  
Broj: 10-45-2058/23

**Gradonačelnik**  
Armin Halitović

